
9-MAY "XOTIRA VA QADRLASH KUNI" MUNOSABATI BILAN URUSH QATNASHCHILARI HOLIDAN XABAR OLINDI

El-yurtimizning urush yillarida ko'rsatgan mardlik va qahramonligi biz uchun ulkan jasorat maktabi, g'urur-iftixor manbai bo'lib, vaqt o'tgani sayin bu o'lmas qadriyatlarning ahamiyati tobora ortmoqda.

Ma'lumki, 9 may yurtimizda "Xotira va qadrlash kuni" sifatida keng nishonlanadi.

Ikkinci jahon urushida halok bo'lgan ajdodlarimizning xotirasiga hurmat keltirilib, fashizmga qarshi janglarda jonbozlik ko'rsatgan mard, jasur faxriylarimizga e'tibor, ehtirom ko'rsatish an'anaga aylanib qolgan.

Bugun Respublika Ma'naviyat va ma'rifat markazi Toshloq tuman bo'linmasi hamda tuman Mudofaa bo'limi hamkorlikda tumanimizdagi Ikkinci jahon urushi qatnashchilari Odiljon ota Zokirov hamda Fayzullo ota Eminovlar xonadonlarida bo'lishib, ular bilan dildan suhbatlashdilar.

Piru badavlat otaxonlar xonadoniga harbiy orkestr sadolari ostida Afg'on urushi qatnashchilari hamda yoshlар tashrif buyurib, ularga gul va esdalik sovg'alar topshirdilar.

Urush faxriylari bilan dildan suhbatlashganda, ular ko'rsatilayotgan hurmat-e'tibor uchun davlatimiz, Yurtboshimiz haqqiga duo qilib, yoshlарimiz dorilamon kunlarning qadriga yetishlari lozimligini takror-takror aytdilar.

2023-05-05 16:05:59